



21923


III Mon. St. Dr.

P

Stanislaus

Sorvatore Doct. Doct. Apytansus panegy-
rius.

PANEG. et VITAE
Polon. Fol.
N^o 650.



APPLAUSUS
PANEGYRICUS,

ILLUSTRISSIMO
ac MAGNifico DOMINO

D. STANISLAO
IN LETOW

LETOWSKI,
SUCCAMERARIO CRACOVIENSI,
GENERALI EXERCITUUM REGNI JUDICI &c.
Dum.

Inter festivas acclamationes,
splendidissimo Ingressûs publici apparatus,
SUCCAMERARIALIS Jurisdictionis suæ Auspiciis
Vielicciis

felicissimè ordiretur,

è voto

Scholæ Regni UNIVERSITATIS CRACOVIENSIS,

Per

M. ADALBERTUM JOACHIMUM FOLTANSKI,
Philosophiæ DOCTOREM, ejusdemq; Regium ac Tylicianum
Eloquentiæ PROFESSOREM, Collegam Majorem, Ecclesiæ
Collegiæ S. ANNÆ Zielopolscianum CANONICUM,
officiosissimo cultu & affectu

EXHIBITUS.


Annò Domini 1759. Die 3tia. Mensis Julii.

Typis Universitatis Cracoviensis.

70.

A.A.

IN STEMMA PERVETUSTUM
ILLUSTRISSIMÆ DOMUS



I.

Quæ sit LETOVIÆ, si quaris meta SAGITTÆ?
Virtutis propriæ Culmina celsa petit.

II.

Fæderis est Arcus, medius qui prominet ORBIS,
Hôc signô, pacem Lechia semper habet.

III.

Absit, ut incassum DEXTRÆ tollantur ad Astra,
Cælitùs, en Patriæ commoda quæquæ ferunt.



ILLUSTRISIME DOMINE.

MECÆNAS AMPLISSIME.




Efficiossimum Studiorum
Nostrorū applausum, quem
ad solennem Principis Or-
dine in Equestri inaugurati-
onem Honoris, pluribūs Benevolentiae
Tuæ devincti argumentis, Magno NO-
MINI Tuo instituimus Academici; pu-
blicum recognitionis documentum te-
statum haberi velis. Non est nobis ea
eloquii felicitas, ut quā Virtutum ma-
gnitudini, quā Sanguinis claritati, quā
Succamerarialis (qui Principem in
) 2 (Nobili-

Nobilitate locum tenet :) Honoris, prærogativæ, aliqua laudatione hac dignitas accedat; verùm cùm Te propitium Musis nostris Numen reveremur, certè si par encomium, laudemq; adferre nequierimus, condignam nihilo-minùs venerationem cultumq; exhibemus. Damus quæ possumus, nec Tu certè majora prætendis; cùm & Superi bonam voluntatem coronent, ubi facultatem non inveniunt; hæc Tibi eò gratiora debent esse, quò à puriori animorum candore defluxerunt. Exilitatē rei non erubescimus, quos plùs ingratae mentis puderet; perjucundam acceptissimamquē Tibi futuram autumamus, si non pretium muneris, sed offerentium animum pensabis. Hoc Nostrum studium, optima Tua erga nos voluntas laudabit, quod ampliores Tibi contexuisset Laudes, si pares vires nostris conatibus suffecissent. Interim Quis? qualis? quantusvè sis? cogitabimus, aliquando de maioribus Tuis Honoribus, cum solenniori applausu locuturi.

PANEGYRICUS.



 Uæ dies, superioribûs annis, occulta quadam factorum lege, penè impotentibûs expectita desideriis, amplissimis hujus Palatinatus Ordinibus, nondum amæna illuxit; hodie Divi clementiâ Numinis, coeuntibûs in unum, liberis Civium votis, suffragante Serenissimi ac Potentissimi AUGUSTI III. Poloniarum Regis Gratiâ, quò tardior eò hilarior affulget. Non possumus sine erumpentibus ex oculis lachrymis, quas læsi vehementi dolore, & nunc præberent animi, meminisse illius nuper extremæ diei, quæ Patriæ Civem, Civibus Corculum, huic Amplissimo Palatinatui desideratissimum Succamerarium SZEM-
A becium

BECIUM; Virum omnî ad gloriam memorandum ævô eripuit, simulq; in Corpore Reipublicæ, lethale vûlnus reliquit. Quid hic non agebat sinè Principe Nobilitas, sine Præfide Astræa, sine Rectore vulgus: actum est toties communî omnium studiô, quidquid pro publica Civium utilitate, quidquid pro exacta Legum observatione, quidquid deniq; pro bono ordine, populiq; commodo agendum erat. Quoties convocati Amplissimi Proceres! qua arte emergentibus occurrendum malis? quæ adhibendum remedia? infectis fatorum invidiâ rebus. Unusquisq; pro suo consilio, voce libera, iudicio, ac bene perspecta prudentia, tam magnifico Operi, sedulò adhibebat manus, ut hæc exoptata Boni communis Structura, junctis animorum viribûs quantocyus confurgeret. Expectabant hoc tædiosa nimis incolarum vota, optabat sibi Majestas, poscebat Senatus, urgebat Equestris Ordo, exigebatq; utilis & honesti non una ratio.

Proh dolor! transierunt tot annorû lustra, nullus tamen dies, nulla hora, nullû deniq; momentû adeò felix rediit, ut hanc negotiorum Provinciam, circa quâ in ordinē redigendam, continuis multo tempore actû est studiis, perficeret, & ad pristinû, statû reduceret

ceret. Quotquot magni Hujus Amplissimi
Palatinatus interveniebant Proceres, tot
fracto nuper publicis laboribus Atlanti
substituebantur Hercules, quâ præcelssi
Nobilitate Generis, quâ heroicæ virtutis
excellentiâ, quâ rectefactorum amplitu-
dine æquè commendabiles: Horum invi-
ctum animi robur, edecumata prudentia,
indefessi pro Patria labores, licet tantæ
molis muneri, pares illis fuisse lacertos
unumquemq; convincebant. Unica tan-
tùm, fatò ne an malevolorum invidiâ? in
pulcherrima Civium corona, defuit ani-
morum unio, sine qua defuit simul &
omne operæ pretium. Hinc indicti sinè
eventu Congressus, agitata sinè effectu
consilia, impensi sinè fruge labores, ægrè
ferentibus singulis dilatæ spes, limitata
vota, quò protrahebantur diutiùs, eò ma-
gis impatientiores moræ reddebant Cives.
Quare incusabamus sæpè, nunc tarda fide-
ra, nunc pigros questi sumus Coelorum
Orbes, segni hucusq; cieri motu, nobis
illam non reddendo lucem, ad cujus lætis-
simum exortum, tunc cùm & Lechico Or-
bi, huic Palatinatui data pro Insigni, ad-
usq; candore conspicua Aquila, fereni-
orem post nubila respiceret Solem, suumq;
pro Ganymede Succamerarium, ad Thro-
num

Thronum Jovis Poloni, applaudentibûs Civium votis deportaret.

Venit tandem hodie dies, publicæ fons lætitiæ, tantò hilariora post diuturna tædiosa expectationis interstitia, causando momenta, quantò ferventiora videndi illam fuere desideria. Jam redit cum illa animorû Serenitas, hòc ipso amænior quod diutiùs Cœlo expetita. Jam recreati Cives, exhilarati populi, nunc plausibus addunt plausus, nunc gaudiis gaudia miscent, nunc ore, gestu, acclamationibûs quisq; pro suo, statu ætate, ingenio, hilaritatem manifestat. Si ita est à natura comparatum; ut in omnibus prosperis rebus, & ad vota fluentibus, unusquisq; nisi fuerit suæ inimicus sorti, magnopere gauderet; tum in iis præcipuè quæ ad publicam felicitatem & Bonum commune pertinere certum est, non tantùm amantissimus Patriæ Civis sed etiam omnis hominis multitudo, majorem in modum lætari consuevit. Quid die hodierna felicius? quid optabilius? qua desperatis reddita fiducia rebus, redditum & illud vinculum, per quod Amplissimi hujus Palatinatus Ordines, adinvicem sibi cohærerent. Nil illa præstantius? nil votis nostris convenientius? munus Cœlorum dare poterat. Ideo non sinè justissima causa non casu fortuito

fortuito aliquo, sed DEI Ipsius Provi-
dentiâ, omnium confestim hodie mentes,
immensa quadam lætitiæ voluptate com-
plentur.

Ades jam hodierna die multorum Prin-
ceps votorum, pro quo plures annorum
laborabant Olympiades & trieterides, quem
indies & momenta, uno universi Cives
consensu, atq; una voce deposcebant. Nam
pridem hoc perspectum habuere singuli,
Tui Authoritate, sapientiâ ac rerum geren-
darum dexteritate, tam fausta fortunataq;
in hoc Palatinatu fore omnia, ut si non
longè plura, æquè similia de Te sibi pol-
licerentur bona, quàm de quovis alio,
omnium merita gratò revolventes animò,
Nobilitatis Principe, anteaçtîs tempori-
bûs reportârunt. Is enim ades hodie qui
Religionem amplificare, libertatem tueri,
Cives servare, Divina atq; humana ex
æquo tractare jam pridem optimè nôsti.
Toties vidit non tantùm hoc Regnum vel
Provincia, sed etiam Europæus Orbis,
quomodo Tu Ecclesiæ & Patriæ fortu-
nam, propriâ vitâ cariorem habuisti; quo-
modo omni semper conatu nixus es, atq;
quotidie magis contendis, ut fidem, Ju-
sticiam, libertatemq; non solùm integram
sed & florentissimam videas faciasq; ubiq;
B quo-

quomodo omni labore, omni vigilantia,
ac prudentia Tua, jam in plurimis & maxi-
mis rebus perspecta & cognita, nihil eorum
praetermisisti, quae ad optimum quemq;
in Toga & sago Virum spectare potuis-
sent. Talis tantusq; Princeps dum Appia
meritorum, Capitoliū Succamerarialis in-
grederis Honoris, nemo est qui sibi, qui
Palatinatui, qui Civibus tandem aliquan-
do exoptatam, hanc felicitatis & laetitiae
amplitudinem, qua publice, qua privatim
non gratuletur.

Verum non suppetunt verba conceptis
intus gaudiis convenientia, defuntq; ma-
gnitudini hodiernae hilaritatis explicandae
idoneae voces, quam vix ampli animorum
recessus capere possunt, non tenuis lin-
gua edisserere. Utcunque tamen foras
erumpit pectoris angustiis claudi nescia
laetitia, vultu, nutibus, ore, plausibus, his
praecipuis cordis & affectuum testimoniis,
se in publicum prodit. Usitata est ma-
nifestandae publicae exultationis, etiam
ejusmodi methodus, ingredientibus Ho-
noris aedem Viris, non tantum cum fe-
stivis acclamationibus occurrere, sed etiam
lilia, rosas, flores spargere, quibus & ipsa
incedentium vestigia coronentur. Prae-
terea adolent hi thura libaq; non ingrati
& ipsis

& ipsis Superis munus, quibus alia non
suppetit heccat ombe. Alii Colossos, Pyra-
mides, & septizonia exstruunt, diuturna
Principum & Heroum immortalis memo-
riæ monumenta, quibus sua gaudia nobili-
ori insculpunt lapillo. Illi vicos & plateas
implent, satis ad expressionem præconceptæ
hilaritatis ducentes, si gravissimo, jucun-
dissimoq; Principis sui recreentur aspectu.
Tuo faustissimo æquè ac lætissimo Ingres-
sui, nihil ab arte, nihil ab ingenio, nihil
deniquè à minus cultæ officio turbæ ac-
cedere potest. Pridem Tu in oculis to-
tius Patriæ cum admiratione & ingenti
voluptate versaris, pridem os meruisti po-
puli, qui non aliter de Te unô omnium
labiô loquitur, nisi quod sis Vir ille, quem
præterita vix parem habuere sæcula, moder-
na summis plausibus excipit ætas, postera
sæcula fastis & Annalibus, quibus ob immor-
talia facta Tuum inseritur Nomen, dignum
jure merito fuisse judicabunt. Satis ex Te
ipso & tua virtute Magnus es, qui illi
sint Arcus & Obelisci, his enim pygmæi
& nani ut majores appareant indigere
videntur, nihil Tuæ addent magnitudini,
nisi forsitan ad publicæ plausum lætitiæ
contribuent aliquid. Ipse Hortensius, &
plusquam Gallicanus Hercules, & dicen-

di svavitate, & movendi efficaciam nulli cedens palmam, nullis ad coronam votorum indiges floribus; qui si opus est & rosas, & lilia, facundo profers ab ore.

Video tamen in hoc Amplissimo Palatinatu neminem esse, qui non suam praesentiam, omne erga Te studium & devinctum pridem affectum non testetur. Gratulantur sibi & Bono communi omnes id successisse feliciter, quod ex animo optaverunt, evenisse, quod proposuerunt, completum esse, quod voverunt: Coelo eorum coronante vota, dum Te ad culmen Succamerialis Honoris evehi cernunt, cum tanto solenniori plausu, quanto cum majori Civium populiq; gaudio. Occurrit Nobilitas, cum ea quae sui Principi debetur reverentia, occurrunt Proceres, & eo quem pridem eorum invisceratus affectibus promeruisti, Te Suum Concivem prosequuntur amore: omnes deniq; quorum laetitiae & prosperitatis pars maxima es, cum exultatione obviam veniunt, in suis acclamationibus, pro Te Superis gratias solvunt, de in ut prosperiores successus, ampliores pridem debitos magnis meritis, quantocyus assequaris Honores, supplicibus votis, Coelum ipsum fatigant. Intra hunc, utriusq; Status Congressum, gaudet videri
&

& Universitas Cracoviensis, à prima sui ra-
dice post Regiam Majestatem, totiusq; Se-
renissimæ Reipublicæ authoritatem, etiam
Hujus Amplissimi Palatinatus Benevolentia
singulariter relicta; non ideo, ut protensas
Magno Tuo Nomini Honoriq; offerat
Panegyres, sed ut post longum votorum
certamen desideratissimum Nobilita-
tis Principem, votivis concomitetur plau-
sibus; cui si publicæ magnitudo lætitiæ de-
negabit dicendi copiam, Tui animi Dotes
& Ornamenta sufficienter dabunt.

Quæ magna sunt, diu dare differunt
Superi; ipsaq; toties acsi desudare videtur
natura, quoties magnificum aliquod opus,
vel de nova radice producit, vel antiquum
renovat, vel collapsum erigit. Perderent
gratiam & æstimationem inusitata quan-
tumvis Cæli terræq; munera, si vulgari
sorte, & continuo proventu, non per lon-
ga temporum intervalla contingerent. De
cenniô parit elephantem elephas, fungos
nox una generat; erumpit subitò in fron-
des, apta securibus ilex, non statim quæ
fuit virga, alta nurat Cedrus, quia hæc
tempori, illa æternitati adolescit. Ille an-
tiquitatis stupor, an potius fastus Rho-
dius solis Colossus, illæ dicatæ Trajano
Columnæ, flexi Constantino Arcus, ere,
C
ctæ

Æ Cæsari Statuæ, non subito, nec una
surrexerunt ætate; congestis opibus viri-
bûsq; conquestum diu à Dalmatia au-
rum, petita à Corintho marmora; condu-
cti plurium annorum decursu Praxitel-
les, aliq; artifices. Non una dies ætasq;
tributarias Asiæ, Ægypti, aliasq; quæ latè
patet Orbis Provincias reddidit Macedo-
ni: actum est longo sæculorum tractu,
priusquàm à Medis ad Assirios, ab Assiriis
ad Persas, à Persis ad Græcos, à Græcis
ad Romanos suprema Imperii devolve-
retur Potestas. Toleranda sunt multa
diuturnæ expectationis tædia, ac sæpius
repetenda vota, ut delictum generis huma-
ni, publico Orbis & Urbis edictò appel-
lato, post Nervas Trajanos, post Titos
Vespasianos, aliàs post bonos, optimos
Principes, propitii donent Superi.

Talem Te Huic Palatino Principem,
Coelorum providendo clementia, di-
stulit hucusq; immensa Civiû desideria, ut
sincerius poscere doceret, probatâq; con-
stantiâ petentium, diuturnam sollicitudi-
nem magnitudine Muneris compensaret.
Debuerunt simul pro Te, plures labora-
rare ætates, nam prolixum requirunt par-
tum, non vulgares conceptus, & quò
major alicui Subsellio Vir datur, eo lon-
gior

gior sæculorum antecedit mora. Aegrè
culimus varias rerum temporumq; vicis-
situdines, ut nobilissimâ Tui Aviti **AN-**
NULLI Gemmâ, desponsatam fortunam
cognosceremus melius, custodiremusq;
cautiùs. Diuturnum votorum præces-
sit certamen, ut tandem victor ani-
morum cum majori plausu, cum solen-
niori pompa, cum festivis undequaque
ocurrentium acclamationibus, ad Succa-
merarialis Præeminentiæ sedem processisses.
Ipsa natura, exquisito studiò, & peregrino
sub sole & hic in Patria, per excelsos Di-
gnitatum gradus, multum consumpsit
temporis, ut exacto prolongatoq; labore, in
Te Antecessorum compendiaret Decora,
antiqua renovaret, majora ostenderet, effi-
ceretq; ex utroq; Cælarem, omnibûs nu-
meris absolutum Principem.

Octavum DEI Omnipotentis beneficiò,
jam labitur sæculum, (a) ut Pervetusta
LETOWSCIORUM Domus, tanto
temporis tractu non effata, Orbi Euro-
pæo, magnos in Toga & fago, profert
ex se Viros. Eorum primum domicilium
fuit *Moravia*, nidus Heroum, Virtutum
seminarium, religione, pietate, rerum gesta-
rum gloriâ, omnibus commendata Regio.

C2

Nemo

(a) Okulcius Tom: 2do Fol: 321.

Nemo est, sic peregrinus in Polonia, ac in
toto septentrione, cui non sit auditum, de
Moravitarum maximè heroicæ virtutis dexte-
ritatisq; excellentia. Quicumq; historico-
rum voluerit revolvere annales, satis mi-
rari non poterit PETRI de *Radzikow*, imper-
territæ animi viriumq; fortitudinis, incom-
parabile factum, Cedro auroq; notandum.
Infunditur ingens hostium colluvies, *Mo-
ravia* limitibus, & jam cæsis Civibûs, ferro
igneq; Patriis consumptis Laribûs, nulli
conditioni, sexui ætatiq; hominum par-
cendo gentis barbaræ rabies, è tam floren-
tissima Provincia desertam reliquisset Ara-
biam, ni pro Aris & Focis stetissent fortiter
magnanimi Coclites Moravitæ. Pugnat ani-
mose quisq; pro nativo solo Hector partimq;
cæsis in acie hostibûs, partim fugatis extra
limites invasoribûs, fausto omine. trium-
phat. Et cùm secundis Marti Moravo
auspiciis, protrahitur diutiùs cruentum
certamen, nullo domus custode tenentur.
Ex hac fæce virorum, qui victorem effu-
gerant gladium, in nobilissimos omnî præ-
sidiò vacuos, unicæ, è Principe ODRO-
WAZYORUM Familia Hæredissæ, facto
agmine incidunt Penates, obcæcati; post
recentem suorum necem furore, minimè
advertunt, quanti sit valoris, Odrowazyani
per

per tot Familiarum venas diffusi Sanguinis
Gemma, dum *Principem Virginem* capiunt
vinculisq; ligatam in servitutem abducunt.
Calune? an Dei providentiâ? redit
ex acie adhuc ignem Martemq; spirans
PERUS de Radzikow, è Moravitis frons
prima Heroum. Et captæ Avicis Cel-
sissimæ Titulîs Virginis gemitu, & nobilis-
simæ jacturâ prædæ vehementer impul-
sus, quid non agit? persequitur unus nu-
merosum barbarorum agmen, iterumq;
coactis in fugam hostibûs, ipsum raptorem,
valido cuspidis transfodit ictu. Jam ere-
pta barbaræ gentis manibus Princeps Hæ-
redissa, Assertori suo, qui eam fortunæ, vi-
tæ, ac libertati restituit, cum fracto annuli
orbe, dimidium offert animæ. Detinuere
forsan Martis negotia, dexterrimum, in-
fractumq; Bellatorem *PETRUM*, cum
Princeps Virgo. pro magnitudine *Odroma-
zianæ Familiæ* desponsaretur alteri; de suo
Liberatore, semper anxia dubiaquæ. Serva-
vit tamen cum fracto annulo integram fi-
dem: reducem ad pacis otia sui Asserto-
rem, ut tantum è tessera continuandæ to-
tâ vitâ gratitudinis cognoverat, dederat
illi vinctas in Matrimonialia fœdera manus.
Nec satis fuit devinctum cor obtu-
lisse; ni etiam Celsissimos, ab Avis Ata-

D

visque

visquē **ILLUSTRISSIMÆ** Familiæ Ho-
nores, acsi in dotem transfudisset. Cessit
etenim libenter tota *Cellissima Odrowaziorum*
Domus mediā de suis Gentilitiis Armis *SAGITTAM*, illi sociandam lanceæ, qua vindice
pro raptu Nobilissimæ Virginis vitam
posuit hostis. Datum nuper pro pignore,
medium subtraxit *ANNULUM*, ut de-
scendentibus à Petro Posteris, & heroicæ
dexteritatis, & servatæ fidei, æternum fuisset
testimonium. Aureæ Coronæ sublatîs Pa-
vonum pennîs superaddidit binas Virginis
MANUS, quas pro suo Liberatore Cœlum
versûs portendebat. *ARMA* hæc è stemmate
ODROWAZ, à *PETRO* de Radzikow,
quòd fugientem cum rapta Virgine hostē
celerrimē insequeretur *POGONCZYK*; à
primo *PETRI* Filio, qui Paternum *OGO-*
NOVI retinuit nomen *OGONCZYK*, ab
altero *POVAŁÆ* cognomen habente, *PO-*
VAŁA appellata. Cur quæso, collatis in
unum Stemma Armis, diversæ denomina-
tionis data sunt Nomina? Non sinè occulta
ratione hoc factum judico, jam enim præ-
visum erat, quòd de hac Stirpe non ad unius
tantum Provinciæ, aut Regni præsidium
armati consurgent Achilles.

Probavit rem eventus. Certanti adhuc pro
Regia Corona Poloniæ, è vicinis Moraviæ
Oris,

Oris, PETRUS & ANDREAS OGONO-
VII: an veriùs duo fulmina belli Scipiadae
subsidiùm ferunt. Steterunt incomparabili
fortitudine, adversùs Xerxē Miltiades, adver-
sùs Tarquiniùm Bruti ex utroq; Cæsares arte
Marteq; validissimi Bellatores. Ne invide-
ret Græciæ Achillis hastam Lechia, Gen-
tiliciam tulerunt SAGITTAM, curan-
dis Civium vulneribus aptam. In turbido
existenti Sarmatiæ, ut faustum denunti-
arent Nomen, in signo *Sagittarii* hæc duo
resplenduerunt Luminaria: Castorem cum
Polluce dixissem, dum secum in Lechico
Cœlo diviserunt imperium. Natus major
PETRUS in Majori, ANDREAS in Mi-
nori confedendo Polonia, uterq; Nominis
gloriâ, meritorum amplitudine, Viris de-
niq; Maximis, utramq; æquè implevit Po-
loniam.

Quæris Decora? adverte! quomodo San-
guis hic Nobissimus, adhuc stillando à
Capite, non in fontem exiguum, sed in
immensum Splendorum crevit Oceanum;
quomodo alta hæc Consanguinitatis Arbor
adhuc in planta fuit ampla & procera.
Quæris quæsitâ ab Avis Atavisq; Orna-
menta? respice! vel ipsa hujus Pervetustæ
Domus Atria, quomodo Purpuris Prin-
cipum, Vexillis Heroum non interrupta
serie,

serie, è Celsissima ODROVAZIORUM
Familia procedentium exornata. Quæris
in quovis Magistratu & Subsellio, Polonæ
Reipublicæ Statores? adora officioso cultu
tot in Infulis Pontifices, in Toga Patriæ
Patres, in Purpura Consules, in Sago exer-
citus Duces: quot recenses è Poloniarum
annalibus, LETOVIOS, KOSCIEL-
SCIOS, DZIAŁYNIOS, SIERAKO-
VIOS, aliaq; Nobilissimarum Familiarum
Nomina, hujus Amplissimæ Domus prima
Columina. Una illis altissimæ Geneseos
Arbor, unum natale Solum; ab uno Erythro
Uniones, ab uno Phæbo Radii illu-
strissimi. Æquè omnes in Serenis-
sima Republica Polona summis virtuti-
bûs, summis Honoribûs semper conspicui:
Subsellia, Curules, Fastigia occupârunt. Ea-
dem lucis nativæ, eademq; meritorum om-
nibus claritas; sic in illis geminari videtur, ut
quovis Orbis Lechici sub climate amplius
resplendeat

Regia Solis dicenda DOMUS Tua
Magne SUCCAMERARIE, in pri-
mo ortu semper Illustrissimos diffudit
Splendores: quos per suprema Digni-
tatum culmina contemplari, idem est,
quod in auge meridiana Phæbum auda-
ciùs intueri. Quantumvis sublimis Ora-
torum

torum stylus, non attinget Tui Nominis
Magnificentiam, quæ in culmine Honoris
posita, per altissimas Familiarum Stirpes,
atq; magnificentissima opera, Cœlo viciniùs
vel in Te ascendit. Aborigenes Tuos, ad cal-
culum, reducere idem labor; quòd sidera nu-
merare, quorum certitudo nondum & ipsis
Astrorum peritis constitit. Habendum illi
in ore sæcula, qui vellet edisserere, quot è
Domo hac prodire Pacificatores Reipu-
blicæ, Jurium Dictatores; in Senatu Consi-
lii Curia Aristides. Dicerent annalium
singraphæ, Metricæ Regni, Polono Tribu-
nalitii Areopagi. Sed ultra captum & memo-
riam cujusvis Elogiastæ est, brevi tempore
hoc repetere in paginamq; proferre.

Ipse jam videndus adorandusq; venis MA-
GNE SUCCAMERARIE; si Antees-
orum Tuorum statuas, si Avunculos He-
ctores, stantesq; in curribus Æmilianos, di-
gitò monstrare præsumpserim. Viva Majo-
rum Tuorum Imago es, eò magis colenda,
quòd sub nube modestiæ, Ita singula de
illis decerpisti Decora, ut nulla meliùs,
Appellis aut Protegenis potuisset carpere
manus; sicq; omnes, vultu, gestu, pace
belloq; egregiè factis, in Te uno efformâ-
sti. Quinimo appensis in Templo Hono-
rum, pervetustis ILLUSTRISSIMÆ
E DO.

DOMUS Tuæ Imaginibus etiam de virtutis
propriæ magnitudine pulchritudineq; non
modica addidisti. Minus est, quod de
MAJORUM Tuorum splendoribus accipis
luminis, quàm quod illis vicissim rependis,
de Tuarum Laudum Dotumq; maxima
claritate. Operosa in Te virtus, altæ Con-
sanguinitatis pulcherrimè excoluit Arbo-
rem, nec finit excolere, ut maturiores sem-
per Honoris & honestatis generet fructus.
Eò ipso dabitis veniam Magni, **LEIO.**
VSCIORUM Manes, ob immortalia, pro
Ecclesia & Patria in terris Facta, Cœlo-
rum illati Sedibus, quod sacros Vestros
non excitabo Cineres, si qua Olympi ho-
die prospiceretis parte, videretis ex illis,
Virorum Phænicem **MAGNUM** **SUC-**
CAMERARIUM, ad culmen altioris e-
volantem Honoris. Nequè è monumen-
tis eruam marmora, cùm **DOMI** Vestræ
perenniora, quovis Phrygio Numidoq;
ebore, superstitis famæ, gloriæ, virtutisq;
habeam munimenta. Ex urnarum domi-
cilio, fastis historicisq; relinquo argumenta,
mihi illa sufficient, quæ è Tuis **MECÆNAS**
AMPLISSIME rectorum visceribus
desumam Orator.

Unde altò veneror silentiò, **ILLUSTREM**
ac **MAGNIFICUM DOMINUM STANIS-**
LAUM

SLAUM à *Letow* LETOWSKI, Tutum
ILLUSTRISIME SUCCAME-
RARIE Dignissimum *AVUM*; Cujus
gloria, viget etiam post fata superstes.
Prominet è sepulchralibus umbris ut Sol ab
occasu, inumbrari enim nequit, qui totam
vitam in splendoribus peregit. Potens erat
verbô & opere *STANISLAUS*, cùm pro Bono
communi pace bellôquè obstandum erat. In
Senatorii Equestrisq; Ordinis Confessibus
Nuntius, in Polonæ Themidis Subsellis
Arbiter, sana subministrabat consilia, invio-
lata dictabat Decreta: ubiq; pro Libertate &
Legibus obstabat. Religionis amantissimus
æqui honestiq; studiosissimus, nullam in
virtutibus passus est labem, nullam in mo-
ribus admisit corruptelam. Bellicæ expe-
ditiones si dexterrimum poscebant Heroëm,
extemplò ivit impavidus ad arma miles,
stetit, obstetitq; fortiter *STANISLAUS*,
ubi adverterit, Divina humanaq; jura con-
culcari. Suprema Honorum Fastigia pote-
rat facile conscendere, ni sibi satis du-
xisset ad gloriam illa meruisse.

Æquè adorandus succedit vectigali pennæ,
PARENS TUUS MECÆNAS GRATI-
OSISIME ILLUSTRIS ac *MAGNIFI-*
CUS DOMINUS ALEXANDER LE-
TOWSKI, VEXILLIFER Cracoviensis,

JUDEX CASTRENSIS BECENSIS,
rerum gestarum magnitudine, dexteritate,
prudentiâ Vir Maximus; Qui si Philippi Da-
rii; incidisset temporibûs, illi Magno Ma-
cedoni si non eripuisset plamam, profectò
non cessisset. Et sic felicior Alexandrò
à nobis dicendus, vel ideo! quòd ille vix
unum Gordium nodum districto ferri
acinace solvere potuerat, Hic nodos as-
utroquè in Jure Causas, ac perplexa, quâ-
pace quâ bellò Patriæ negotia, ut eve-
nerant, mentis elevatæ acumine resolve-
bat. Coram Regia Majestate, totiusquè
Serenissimæ Reipublicæ Polonæ Facie,
ad Generalia Regni Comitia **LEGATUS,**
(b) quot verba, tot oracula locutus; hòc-
ipso Delphico Tripode veriora, quòd
nunquàm Sphyn gem in ænigmatibus fo-
vebant. In Illius abyssali sensuum profun-
ditate, dolum fabricantia non unius Cati-
linæ submersa sunt cogitamina; super qua
consiliorum abyssò, stabile Boni Commu-
nis jactum est fundamentum. Agitatæ in
dubiam sortis aleam variis dissensionum
procellis Reipublicæ Navi, melius cen-
toculò prospexit Argò; & ne in nuda hæ-
sisset arena, copiosos dulcis eloquiî profu-
dit latices; ex quibus pulcherrima animo-
rum

(b) Anno Dni; 1724.

rum unio enatâset. Sub illo ad supremum Regni Tribunal JUDICE DEPUTATO, (c) extra Pòetarum commenta, terris profuga, Cælo ab alto rediit Astræa, cùm advertisset maximè hunc sibi in Areopago adfuisse cultum, qualem vix inter Sidera habere poruisset. Aurò sunt non rarò venalia Jura; Decretorum folia, afflante favorum favoniò leves persæpe rapiuntur in auras: in Hoc Aristide Polono, non mendacem Prothei figuram, non multiplicem Polyporum versuram, non prava sectantium Numidarum inconstantia, etiam hi invenerunt Aristarchi, qui aureos mores sub virgam suam vocare solent, *ALEXANDER* erat, in Pactoli naufragari fluentis, non periti censuit esse palinuri, ad umbram argenteæ in hanc & illam partem agitari Lunæ, arundinis non colossi judicavit. Gravissima rerum pondera, ita æquè Themidis libravit bilance, ut unicuiq; quod suum est redderet. Publica *CASTRI BECENSIS* testantur Acta, quòd omne Decretum sanctumq; ex ore, sensu, perspectaq; tanti Judicis Arbitriq; prudentia, sit ad mentem justitiæ dictum latumquè. Quid dicam de magnanimitate, ac incomparabili fortitudine Hujus *ALEXANDRI*. Eloquentiæ flumina in sui meretur encomia, qui toties

F

pro

pro salute Patriæ de barbarorum cervicibus
fudit sanguinem, quoties infestas acies op-
posuit hostis. *VEXILLIFER* Cracoviensis
ubiq; victoriosa prætulit signa, Polono Marti
auspicatissima. Ivit fortissimus Heros, cum
illo totius Orientis Terrore *JOANNE III.*
contra perfidos Gelones, omnem adversa-
riorum frangendo potentiam, domandoq; fu-
rorem. Pars sunt Ejus heroicæ virtutis, in
campis Bukoviensibus cæsi barbari hostes, ultraq;
Scythicam Mæothidem fugati. Sub *AU-*
GUSTO II. de virili nihil remittens calo-
re, in *Podchaieensibus* expeditionibus, palam
ostendit, quod etiam Polonum flammæ
eliciat Ilium, licetq; hyemalibus subjecta ri-
goribus Sarmatia, in Iechiadum pectori-
bus habeat Æthnas. Bellonam dum associ-
avit Palladi, publico monstravit Soli, in
LETOVIANA DOMO, exclusâ omni an-
typathiâ & Gradivum Hæmum & Musas
posuisse Parnassum.

Jam hîc in profundam Tui venerationē
vedigalis descenderet dictio *MECÆNAS*
AMPLISSIME, nisi adhuc innumera
in Illustrissima *MATERNA DOMO* De-
cora, in stuporem admirationemq; raptam
diutiùs detinerent. In Domo nempè illa,
in qua totus ab antiquo floruit Senatus, pru-
dentibûs *Fabiis* & *Æmuliis* venerandus. Re-
quiris

quiris illos? ZBOROVII sunt: Magni Patriæ Statores, pro Aris & Focis dexterrimi Bellatores. Magistratus quos administrârunt, bella quæ gesserunt, Curules quas majestate Nominis virtutisq; occupârunt, quid memorem? Quoties intonabit classica Mars Polonus, toties JOANNIS Supremi Exercituum Regni DUCIS Campestris, NICOLAI in *Hungaria*, SAMUELIS in *Germania*, Martini in *Polonia*, de Gente ZBOROVIANA Heroum, immortalem Nominis famam, tibiis lituûsq; decantabit. Omnis venerabitur Ætas, PETRUM de *Rytmian* ZBOROWSKI, Serenissimi AUGUSTI II. Nomine ad SOLYMANUM Turcarum IMPERATOREM prudentissimum LEGATUM, cui & Othomannica Luna post ereptos tot Gentibus Regnisq; splendores superbô intumescens pleniluniô sua inflectit cornua. Quo fuerit ditatus honore ab Invidiissimo Romanorû Imperatore RUDOLPHO CHRISTOPH. RUS, qua dexteritate in Aulis, REGUM Poloniarum portavit Scipionem ANDREAS, Hic MARESCHALCUS, Ille DAPIFER Regni ZBOROVII; & exterarum Gentium fasti, & Poloni annales dicent. Tantæ lucis Fons & origo est, ILLUSTRISSIMUS ac EXCELLENTISSIMUS MARTINUS ZBOROWSKI,

CASTELLANUS CRACOVENSIS Tuus
magne *SUCCAMERARIE* Maternus
AVUS, magnitudine sua omne excedens
elogium, devotio silentio à profano Ora-
tore colendus. O quanta in Patriam *MAR-*
TINI liberalitas! tot dedit Orthodoxæ
Religioni fulcra, aureæ libertati Asserto-
res, Legibus propugnatores, Polo Patrio
bases, Senatoriæ Purpuræ ornamenta, Re-
gni Coronæ gemmas; quot Nominis, vir-
tutis meritorumq; Hæredes reliquit. Innu-
i hæc ideo, ut *HELENÆ* de *ZBOROVII*
PARENTIS Tuæ *ILLUSTRISIME*
SUCCAMERARIE, unde fuerit pretium
demonstrarem. Non exiguum igitur Cœli
naturæq; beneficium Primum Poloniæ
Statorem *MARTINUM* Patrem, ipsam
gratiam *ANNAM* de *KONARSCIS*
Matrem, post Avunculos Hæctores, etiam
Hercules Fratres *ZBOROVIOS*, hanc
Poloniam Diannam habuisse. Satis illi
fuisset ad gloriam, *ALEXANDRI LE-*
TOWSKI, æstimatissimi *PATRIS* Tui ex-
titisse Consortem, Quem ut altitudo Gene-
ris, ita selectissimæ virtutes extollunt æquè.

Quidquid retuli de Tuis Antecessori-
bus *ILLUSTRISIME SUCCAMERARIE*
tantillum est! omnes in paginam vocare,
opus voluminum fuisset, non aliquot fo-
liorum

hiorum. Laus est Prædecessorum Tuorum
Tuiq; maxima, non posse ex toto laudari.
Intima DOMUS Tuæ Illustrissimæ pene-
tralia audaciori nolui perscrutari stylô;
quotquot ex templo Majorum Imagines
occurrerunt visendæ, omnis Majestatis, pul-
chritudinis, venustatisq; in Te adverti
prototypum. Relinquendum duxi Gen-
tilitia illis Lumina, qui propriis virtutibus
destituti, omnino jacerent in tenebris, nisi
ad illos illustrandos Avitus splendor accede-
ret. Liberalis in plerosq; in Te prodiga vir-
tus & natura, nihil sibi ad præstantissima-
rum virtutû plenitudinem reservavit, quod
Tibicum Sanguine Paterno, Maternoq;
lacte non infuderit. Elargita est præter hæ-
reditaria Avorum Atavorumq; Decora ge-
nerosi Spiritus excellentiam, perspicax vivi-
dumq; ingenium, oris mirabilem quandam
dignitatem, totiusq; corporis habitum ve-
nerandum. Non diu distulit Tuus animus
hanc suam nobilitatem explicare.

Ac imprimis mihi se se offerunt præ-
clara illa Tuæ ineuntis ætatis exordia.
Non Tibi teneriores anni crepundiis &
nugis effluxere, nec inter delicias ac vo-
luptates acta segnis adolescentia; nulla in-
tercessit dies quin aliqua protuleris egre-
giæ indolis, hujusq; quam ad præsens ve-
neramur

neramur magnitudinis indicia. Quæ tunc
morum Tuorum compositio? quæ animi
moderatio? qui ardor! quæ sitis in Te
primis ab annis fuit illarum artium, qui
bûs sublimes animæ ad quævis Maxima
excitantur. Quadam senili jam gravitate
conspicuus, è Domesticis Penatibus descen-
disti ad Regiam Regni Scholam *UNIVER-
SITATEM CRACOVIANSEM*; & de virtute
in virtutem, de una in aliam scientiam non
intermisso labore procedendo, non longo
tempore ipsum cum Apolline Parnassum es
transgressus. Nihil erat difficile, quod non
perceperis ingenio, nihil abstrusum, quod
non penetraveris judicio, omnia suaviter
complexus adeo, ut artium scientiarumquæ
arcana, aliis sacra & non tangenda, vulgata
Tibi viderentur. Bibisti ad satietatem ex
ipso Fonte in Patria, quæ alii fluvios trans-
fretando Iberos, vix primis ad tumorem gu-
stârunt labris, Peregrinos non invisisti Soles
à quibus referunt pleriq; æthyopem animum.
Nec petisti Corynthem, quidquid tamen
Ptolomæus Ægyptiis, Solon Athenien-
sibus, Seleucus Locrensibus, Salaminus
Græcis, Lycurgus Lacædemonibus, Numa
Pompilius Romanis, Primi Legislatores
præscribere, vastissimæ Tuæ menti impressi-
sti. Qualem Te Virum, illa Tua adolescen-
tia;

ria, omnium virtutum studiorumq; genere exercita & exulta promisit, talem non unus probavit Magistratus; quem quoties suscepisti, toties admirabili prudentiâ ubiq; perfecisti. Sive Tu Becensis, sive ad Tribunal Regni sæpius Deputatus, sive Generalis Exercituum *JUDEX*, quovis in Subsellio virtutum acerrimus Defensor, scelerum Propugnator; erexisti innocentiam, omne damnâsti nefas, debitam legibus reddidisti obsequantiam. Admittebas sub gravissimum judicium Causarum controversias, & ne indecisæ abirent, omnem vigilantiam curamq; præstitisti. Non Tu Purpuram, non Titulorum lucem, non Generis majestatem coram Te litigantium respexisti, à Quo procul fuit adulatio, procul Personarum delectus, procul sanguinis amor. Hinc venerat, quod abierint in legem Decreta, quæ tulisti, in vitæ regulas sententiæ, quas dedisti, in oracula verba, quæ pro justitia es locutus. Loricae Cohortis *VEXILLIFER*, dein Exercituum Minoris Poloniæ regimen tenendo pro triplici Ajacis clypeo, Achilleum semper gerebas pectus, infractum laboribûs imperterritum periculis. Accomodâsti Gentilitias Sagittas, in fulcra Patriæ, in vulnera hosti, in clavas Marti; ut in Tuo Avito Hastili haberet Sarmatia tela, adversariorû telis opponenda.

Non est ullum, nec fuit adeo insigne pro Patria meritum, cuius Tu **ILLUSTRIS-
SIME SUCCAMERARIE** non magna sis pars, vel potissima. Minoribus si quæ dici possent exercitatus curis, tantum Te Tua magnitudine attollis, quantus in cursu gloriæ maximis Reipublicæ laboribus, honoribusq; non impar assurgis. Quaternis vicibus interfuisti Generalibus Regni Comitibus, è Palatinatu Cracoviensi Magnus **LEGATUS**; pro manutenenda toties tantarum Functionum maiestate, quas non erogasti opes? Bonum commune, & publicam Patriæ utilitatem pluris æstimando, quam cara aliis fortunæ bona. Alter Cyllenius Equestris Ordinis Interpres, mira celeritate prævidendo futura, exposuisti; quid agendum sit in decumana fluctuantis Poloniæ tempestate, quibus ventis utendum, & ad quod litus salus Reipublicæ applicanda. Audiebat cum voluptate Purpuratorum Patrum Senatus Te Cyneam loquentem, stupebatque simul, quomodo styli gravitate, sermonis elegantiam, rationum efficaciam, corda & animos in Tui sententiam flectebas. Nec mirum; etiam familiares quos formas discursus adeo sunt limati, ut expolitos aliorum magno labore transcendant sensus, possintq; in volumina referri.

Quò

Quò grandior operum assurgit moles,
eò major laudum crescit materies. Maximis
Patriæ admotus rebus, quidquid agis MA-
GNE SUCCAMERARIE, summum est,
palmò metiri nequit, nec levi illâq; humili
attingi pennâ. Vidimus Te in Comitiiis,
Congressibus, Consiliis, quævis difficillima
publica privataq; negotia tractantem dexter-
rimè; vidimus in Foro, Curia, Arcopago
quævis maximi momenti Juris factiq; causas
decidentem prudentissimè: videamus adhuc
quos Tu non composueris æstus? quæ exem-
pla perspicacissimi animi non monstraveris?
quos actus heroicæ virtutis non dederis? in
tot commissis activitati prudentiæq; Tuæ
Magistratibus. Mota fuit magno nuper stre-
pitu Ostrogienſis Ordinationis causa, & si-
mul totam Rempublicam perplexitatibus
involvit. Itum est in varia studia diversasq;
partes: hic privatam sequebatur rationem,
ille publicam præferebat auctoritatem, hic
pro bono Patriæ, ille pro Domus suæ for-
tuna certabat. Consurgebant inde turbidæ
dissensionum procellæ, eò magis nocivæ,
quòd intestinæ. Tam opportunæ rei Con-
ciliator, inter Purpuratos Patriæ Patres,
non alius efficacior visus, quàm Tu ILLU-
STRISSE SUCCAMERARIE,
mirus artifex difficillimos devinciendi
H ani-

animos, atq; blandius pertractandi. Omni
ingenii vî atq; consilii contendisti COM-
MISSARIUS, ut Civium tranquillitas, Rei-
publicæ dignitas, Principis Majestas integra
conservaretur. O quanta felicitas! ardua
negotia facilitasti activitate, adversis obicem
posuisti prudentiâ, divisa conjunxisti corda,
suaviter insinuato in Patriam amore. Ha-
bent enim verba Tua pondus maximum,
adeo, ut quoscunq; alloqueris, flectantur
quò velis, velle autem aliud non potes, nisi
Bonum commune utilitatemq; publicam.
Hinc est, quòd Te Polonus summè appre-
tjat Orbis, æstimat Majestas, Purpurati Pro-
ceres in sui pectoris reponunt sacratio, Ho-
norum Sphæræ personatam exposcunt In-
telligentiam.

Dos est hæc maxima, magnis Viris no-
bilissimoq; sanguini jure hæreditario debi-
ta in commune vinculum sociatas habere
virtutes. In Te *MECÆNAS AMPLIS-
SIME*, Cælum & natura sua congeffit
dona; quæ in alios divisa sunt, collecta tenes.
Ex Te veluti ex Oceano crySTALLINI probitatû
nulla vitiorum defœdati labe idimanant fon-
tes, stillat ex ore, qua nec hybla Oratorum
excelluit Cyneas nectarea affabilitas, de cor-
de absq; sinoniis artibus sinceritas, de manu
inexhaustus gratiarum Erydanus, de pro-
fun-

funditate sensuum fluunt cultioris svadæ la-
tices; cùm sis omnis perfectionis Ilias, & uni-
versale virtutum ac scientiarum subiectum.
Hæc tamen singula Cæli & naturæ dona,
omnium sunt in Te bona. Redundat Sapi-
entia Tua in Rempublicam, prudentia in
negotia, activitas in publicos usus. Redun-
dat liberalitas Tua in egenos, Xenodochia;
Monasteria; plura dicam, redundat in ipsa
Cælituum Altaria Ædesq;. Non subtraxi-
sti munificam manum ab erigenda à funda-
mentis ECCLESIAE Collegiatae Bobovien-
sis magnifica mole, ære Tuo *UNICE N-*
SIS Divo sacrata Numini è nova radice sur-
rexit Basilica, Tuïs impensis stetit in suo esse
perfectiori; statu Patrum CARMELITA-
RUM in *Faste* Fundatio: non ne patherica re-
ligionis, pietatis, liberalitatisq; in Divos sunt
documenta? Nulla facundior est oratio,
quàm pro beneficiis; hanc repetent ad Aras
in laudem Nominis Tui, & Æliani Flami-
nes & plebs devotior.

Quidquid hæcenus in parte innui de Te
Magne *SUCCAMERARIE*, id totum dicen-
dum de *ILLUSTRISSIMA* ex JORDANO-
VIIS HELENA LETOWSKA, vitæ Ho-
norisq; Tui Socia, magnarum æquè virtu-
tum Heroïna. Est illi plusquàm ad pompâ,
quòd sit *ILLUSTRISSIMI* olim ac *EX-*

CELLENTISSIMI DOMINI MI-
CHAE LIS SPYTEK in *Zakliczym* **JOR-**
DAN PALATINI Bractaviensis **CAPIT A-**
NEI Dobczycensis, Ostrolęcensis &c. de
Fide, Lege & Rege in Sago & Toga meri-
tissimi Senatoris, Viri in totam æternita-
tem omnium ore dicendi, omnium cultu
adorandi, Filia, Nominisq; Decorum ac vir-
tutum Hæredissa; quòd sit **ILLUSTRIS-**
SIMORUM ac **EXCELLENTISSIMORUM**
DOMINORUM STEPHANI & ADA-
MI JORDANORUM PALATINIDA-
RUM Bractaviensium, Quorum quivis
virtutibûs, meritîs, Sapientiâ Maximus, u-
tramq; par ornare, non ab illa ornari. Pur-
puram, germana Soror; quòd sit inquam
JORDANOVIA. Nisi simul exornaret
illam innata suæ stirpi majestas, quæ occulta
vi quadam suaviter reverentiæ admonet in-
tuentium animos, simulq; mira comitate
demulcet; nisi commendaret ardentissimus
Religionis zelus, pietas, aliæq; virtutes in
tam delicato subjecto excellentes. Dixis-
sem illam maximum Sexus sui decus, ni &
eundem morum gravitate ac edecumatâ pru-
dentiâ, longè superare videretur. O quan-
tus ad Hymænei tædas in Aviti **LETOVI-**
ANÆ DOMUS Annuli Sphæra splendo-
rum **Concursus!** dum Tibi **ILLUSTRIS-**
ME

ME SUCCAMERARIE, etiam Romano
ab Avis Atavisq; tincta rubicone HELENA,
concordem mansura in foedera dederat dex-
tram. O Felix conjunctio in Constellatione
Gentilitii SAGITTARII! ex qua in quaternione
lucidissimorum Siderum, MICHAEL STA-
NISLAO, ADAMO & FRANCISCO
Filiorum, factum est perfectum quadratum,
in spem & solatium Illustrissimae Domui, in
Decus & praesidium Orbi Polono. Selectis-
simae animi Dotes in STANISLAO, bene poli-
tos Oratorum requirunt sensus, sed ipsa aetas
virtutibus florida, vigor ingenii promptus,
actionum compositio, ad magna nata indo-
les suas sibi loquitur laudes. Vilescit omne
verborum pondus, ad mentis stateram MI-
CHAELIS, jam gravitate morum, jam
exquisitissimis omnis eruditionis perfe-
ctionisq; onustam cymeliis. Post decur-
sus studiorum in Jagellonica arena ludunt
hi nobilissimi Ascanii, in Domo Paterna, sed
lusus eorum seria sapit: Tu Ipse Hiron es
ILLUSTRISSE SUCCAMERA-
RIE, Tu agendorum regula. Merentur jam
quovis Honores, omnium aestimationem
evincunt. Candore notabiles ipso, Gentilitii
Annuli nobilissimae Gemmae ADAMUS
& FRANCISCUS, sapientiae splendore
in Divi Jagellonis radiant Scepbris, quas Di-
I vorum

vorūm invitant Aræ, Honorarii expectant
Fasces. Accrescens luminis est in hac quadra-
tura, ex *HELENA & CATHARINA* Filiabus,
quæ si in antiqua incidissent tempora, tan-
quam Phoebe & Cynthia colerentur. Videre
est in illis, ut candor vultus æmulatur nivium
albedinem, ut innocenti rubore suffundun-
tur genæ, ut scintillant gratissima luce ocu-
lorum sidera, ut ludunt in fronte gratiæ, in
vultu lepores, ut est in utraq; magna pul-
chritudinis cum virtute sympathia. Amal-
theas crederem eas in Gentilitii *ANNULI*
Sphæra; quæ cū advertissent in *ILLU-*
STRISSIMA KUROPATNICCIORUM
& MIRASZEWSCIORUM Domoposse
Numina nasci & ali, ad eam descenderunt per
connubialia detraçæ fœdera.

Jam Tibi cum votivis occurrerem plau-
sibus *MECÆNAS ILLUSTRISIME*,
ni adhuc obvios haberem germanos Fratres
Tuos, omni à me adorandos humagiō.
Quantumvis cessit in obsonium Libitinæ
ANTONIUS LETOWSKI SUBDAP-
FER Vielunensis, ejus tamen merita grata re-
vocat sibi in memoriam Patria, cui dulce con-
filiorum propinavit nectar. Imo renascitur
tanquam Phœnix è cineribus ad *IGNATII*
ignes, de lumbis suis Nominis & virtutis suc-
cessoris, *ALEXANDRUM CAPITANE-*
UM

UM, JOANNEM *JUDICEM* Ovrucen-
sem, JOANNEM *hastatae Cochortis Com-*
militationem LETOVIOS Fratres Tuos Ger-
manos, non sic è vivis abstulerunt fata ut
omnem cum illis tollerent famam. Extol-
lit in perenne trophæum sepulchralem la-
pidem CONSTANTIA de *Letoviis* KOT-
KOWSKA Subdapifera Novogrodensis,
Tua Germana Soror, virtute propria quovis
fatali casu superior. Levat Cælum versus jam
compositas in Crucem manus DAMIA-
NUS LETOWSKI Strictioris observan-
tiæ S. FRANCISCI Pater emeritissimus, & ipsos
Cælites in Tua vota partesq; trahit. Ap-
plaudunt Tuo Ingressui & suæ Gloriæ,
ALEXANDER *Vexilliferides* Cracoviensis,
nuper ad Tribunal Radomienſe Commis-
sarius, & THOMAS LETOWSKI, Bur-
gravius Cracoviensis, Magnus olim ad
Comitia Regni Legatus, ex JOANNA de
ROMERIS secundi voti, Fratres Tui, ex
utroq; Cæsares, & certare pares & responde-
re parati. Assistunt principaliter Lateri Tuo:
Celsissima, Illustrissima Colligatarum Fami-
liarum Nomina Principes & Duces, WI-
SNIOWIECCH, KORVINI, RADZIWIŁLI, SAN-
GUSCH, LUBOMIRSCH, OSSOLINSCH. Primi
Patriæ Statores KOSCIELSCCH, DZIAŁYNI,
CHODKIEWICCH, OSTROROGII, STADNICCH,
OPA-

OPALENSCII, ZBOROVII, BARANOVSCII, LI-
 PNICII, KOCHANOVSCII, GRABOVSCII,
 KURDWANOVSCII, WYBRANOVII, JORDANES,
 MORSZTYNII, KUROPATNICII, REMERII,
 SENDZIMIRII, KOŁACZKOWSCII, KOSECCII,
 ANKWICII, ROMERII, KOTKOWSCII, MIŁO-
 SŁAVSCII, RYLSCII, aliiq; longo recensendi
 syllabô magni Genere, Majores meritis,
 maximi virtutibûs Proceres, per suas Affi-
 nitates cognationesq; non uno Sanguinis
 nexu Tibi conjuncti. Habes sat magnificum
 Ingressûs Tui apparatus ex tot Illustrissi-
 marum *Familiarum* Decoribus, habet & ille
 non minorem ex Te Pompam. Incedis per
 gradus variorum Magistratum, majestate
 conspicuus, gravis meritîs, omni excultus
 virtute; ut Principem in ordine Equestri
 capias locum. Factorum Tuorum vestigia
 publiciconsequuntur plausus. Effusi in ado-
 rationem occurrunt Cives & quem diutiùs
 ardentibûs expectabant votîs solenniùs sa-
 lutant. Auget plaudentium numerum Re-
 gius Craci Apollo pro amplissimis Tuis
 Successibus votivas ingeminat voces, nec
 in iliis ponit metam. Etenim crede Acade-
 mico candori & nostræ gratitudini, quòd
 sicut Tu MECÆNAS Optime, nunquam
 de nobis bene mereri cessas, ita nos mayo-
 ribus atq; majoribus Tuis Honoribus applau-
 dere, omnî locô & tempore contendemus.



7. XXIII. 12.



Biblioteka Jagiellońska

stdr0023703

